

որոյ տոկոսը յատկացուցած էր Բաղրեանդայ Հայ մանկտւոյն կրթութեան համար. որ Գպրոցասիրաց արեւելեան ընկերութիւնը յաջողեցաւ տարուէ տարի այդ դրամին տոկոսը ձեռք բերել և մաս մի ևս իրմէ յաւելուած անելով 1879 թ. յուլիս 19-ին Թոփրադ-գալէի մէջ առաջին վարժարանը բացաւ:

Այս վարժարանը առաջին տարին յաճախեցին 30-ի չափ աշակերտք: 1880 թուին Թոփրադ-գալէից 80, Ալաշկերտի և Գարաքիլիսէից և զիւղորէից 30 աշակերտք յաճախեցին վարժարանը, որոց մեծ մասն հասակաւոր էին:

Աւաման գործն յարգանք գտաւ Ալաշկերտ. ժողովուրդն սովելոյ յատկացեալ դումարից մի փոքր մաս ևս յատկացոյց ուսումնարանի մը շինութեան, որ անմիջապէս սկսաւ. Սուքիաս աղա Մալպանտեան ևս մի յարմար դետին նուիրեց ուսումնարանի շինութեան համար:

Արդէն այս թուականին երեք ընկերութիւններն միացած էին. «Հայոց Միացեալ Ընկերութիւնք» անուամբ:

Ընկերութիւնը 84 թուին Խաստուր զիւղը վարժարան մի ևս բացաւ, 85 թուին ևս Գարաքիլիսէի մէջ՝ որ այժմ գոյ է:

Քրդերու աղօթատունը բերդի հարաւային ստորոտին, զիւղաքաղաքիս ի հիւսիս արեւմուտս ամենէն բարձր դիրքի վերայ շինուած է, ունի ընդարձակ յիշատակարան դռան վրայ արաբական տառերով:

150 տարուան շինութիւն է լաւ ճաշակով սրբատաշ քարերով շինուած: Այս քարերը բերուած են